

Quind j'étoais canteu

Sur l'air « Quand j'étais chanteur »

Adaptation Jean Caron - 2020

J'ai min rhomatiss'e
Qui m'cange in cabotan
Em' peuve tiote Chécile
J'ai soécante trèse ans
Ej resse à rien foaire
Com.me un viux fléyeux
Ch'étoait eune aut' afoère
Quind j'étoais canteu

J'avoais des bottes blanques
Pis eune belle chinture
Eun' éc'mise à franges
Eune cas'chette à rayures
Mais ch'étoait m'risette
Encore ech plus bieu !
J'étoais un sacré wèpe
Quind j'étoais canteux

*Un soère ale ducasse
J'faisoais min liméro
Em' feume ale étoait muchée
A l'arrière d'el « Renault»

Ale s'est foait ch'ter dins l'Son.me
Par chonc, sis buvateux
J'avoais qu'cho com.me fan-club
Quind j'étoais canteux

Y'o chés cadoreux
Qui m'erconichoaien't
Et toutes chés amindes
Ale disparichoaien't
J'avoais toudi el boène tabe
On m'lom.moait Mòssieur
Ch'étoait bougrémint formidabe
Quind j'étoais canteu !

Em' peuve tiote Chécile
Soéxante trèse ans ch'est long
J'viens d'apprende eq' Flippe Boulfroè
Il est ratatayon !
Mais d'pus qu'Laurent Devime
S'in a r'torné aux States

Cha n'est vramint mie com.me avint
Je n'ai prind un queup su m'caouette
Parce qu'à ch'est coère bibi
Qui s'in vo foaire el wèpe ! (Bis)